

# 2026 Tâi-gí Pêh-ōe-jī Thia<sup>n</sup>-siá Pí-sài

## 2026 全國奧林匹克台語白話字聽寫比賽

20260427 updated

社團法人台灣羅馬字協會主辦 ê 年度「台灣羅馬字文化節」，固定 tī tàk 冬舉行系列活動。今年是巴克禮牧師來台 151 週年，koh 有頭一份台灣字報紙《台灣府城教會報》發行 141 週年。Ûi-tiòh 紀念巴克禮牧師 tī 台灣文字 kap 印刷史上 ê 重要貢獻，社團法人台灣羅馬字協會舉辦全國奧林匹克台語白話字文史競賽、台語語詞聽寫比賽、手機 á phah 台語比賽。邀請各位做伙來參加、提獎金！

主辦單位：社團法人台灣羅馬字協會、成大台灣語文測驗中心、蔣發太孫玉枝台語文教育基金會、打狗台語文促進協會、台文雞絲麵、成大台語師資班、台越文學館

活動日期：2026 年 6 月 14（禮拜）下晡（具體時間，報名人數確定後會公佈）

活動地點：國立成功大學力行校區台文系館 88154 教室

報名對象：限中、小學生，iáu-bē 入高中讀冊 ê 學生（若中、小學各別有 10 人以上報名，會分兩組比賽取名次；人數若不足，會混齡比賽）

報名時間：Ûi chit-má 起，到 5 月 24 截止。

報名方式：網路免費報名，請 thi<sup>n</sup> Google 表 <https://forms.gle/6Vvucow4KeDhKmuS7>

活動網站：<https://www.tlh.org.tw>

活動專線：06-2089803，[tlhemail@gmail.com](mailto:tlhemail@gmail.com) 社團法人台灣羅馬字協會秘書處江小姐



### 【比賽辦法】

1. 這個比賽採取淘汰賽，欲取前 3 名來頒獎表揚。
2. 主辦單位會先錄 25 ê 雙音節語詞，每 1 個語詞會連續唸 3 遍。參賽者照聽--tiòh ê 語音，kā 羅馬字寫 tī 主辦單位所分 ê 答案紙指定 ê 答案欄內底。答案若是無寫 tī 答案欄內底一律無算分數。參賽者會使 tī 答案欄以外空白 ê 所在註記。
3. 題目 lóng-chóng 25 條，答 tiòh 1 條 tiòh 4 分，1 ê 音節 1 分，1 ê 聲調 1 分，聲調符號一定 ài 標 tī 母音。答 m̄-tiòh，á-sī 無回答 tiòh 0 分，以答 tiòh 分數 koân 低來排名次。
4. 第 1 輪成績採用單次 ê 分數來排名，若無法度分出名次，ài koh 進行第 2 輪比賽。第 2 輪比賽 ê 語詞放送時間會較短，成績採用累計加總分數來排名，若 koh 有全分 ê 情形，ài 繼續第 3 輪 ê 比賽，第 3 輪比賽 ê 語詞 kan-ta 放送 1 遍。若是第 3 輪比賽了，koh 有全分 ê 情形，tō 由全分--ê 抽 khau-á 來分出名次。
5. Nā 有本規則無列--tiòh ê 情形，由主辦單位當場裁決處理。

### 【比賽獎勵】

- 巴克禮賞（頭賞，取 1 名）：賞金 2,000 khơ、賞狀 1 張
- 甘爲霖賞（二賞，取 1 名）：賞金 1,000 khơ、賞狀 1 張
- 馬雅各賞（三賞，取 1 名）：賞金 500 khơ、賞狀 1 張

### 【注意事項】

1. 參賽者 ài chah 國民身分證（Á-sī 效期內 ê 駕照／護照）正本辦理報到。
2. Bat 得 tiòh 本中心舉辦 ê 台語羅馬字聽寫比賽 ê 第 1 名--ê，3 冬內 bē-tàng koh 報名全組 ê 比賽。
3. 參賽者 ài chah 黑色 á-sī 藍色原子筆、修正帶（液）參加比賽，bē-sái chah 任何字典入場。
4. 參賽者無參賽證 á-sī 合格身分證件正本者，ài 先到報到服務處辦理補發參賽證 á-sī 補驗身分證件手續，nā 無，一律 bē-tàng 入場比賽。
5. 入場 ê 時，ài 出示參賽證、身分證件正本，按照座位號碼就座。入座了，請 sùi 檢查參賽證號碼 kap 座位號碼 kám 有一致。比賽進行當中，nā 發現坐 m̄ -tiò h 位，ài sùi 離場，失去參賽資格。
6. 比賽開始，參賽者 tiòh bē-tàng 入場。
7. 比賽 ê 時，bē-tàng chah 行動電話、呼叫器、計時器 kap 其他電子設備入座，nā 是比賽進行當中，hō 工作人員發現 chah 頂面所講 ê 物件，或者是 chiah-ê 物件發出任何聲音（包含振動聲），一律取消比賽資格。
8. 比賽 ê 時，bē-tàng tī 會場內底食物件（包含橡奶糖）、食煙、擾亂比賽秩序 á-sī 影響別人作答，第 1 pái 違規口頭 á-sī 書面警告；若累計 2 pái 違規，ài sùi 離場。
9. 作答進前，請照工作人員 ê 指示，檢查答案紙頂頭 ê 參賽證號碼 kám 有正確、完整，nā 有錯誤，請 sùi 擲手請工作人員處理，避免影響作答權益。
10. 作答 ê 時，nā 有寫無清楚、答案修改 hú 無清氣，或者是答案紙 áu--tiòh、污損致使影響評分，責任家己負責。
11. 比賽時間到，工作人員收答案紙了，參賽者 ài 離開比賽會場。評分了，工作人員會請參賽者進入會場聽成績公佈。

### 【補充說明】

Nā 比賽方式、規則寫無清楚 ê 所在，照現場主辦單位 ê 裁決。

Nā 對報名、活動內容有無清楚 ê 所在，請 kap 主辦單位「社團法人台灣羅馬字協會台灣羅馬字協會」秘書處江小姐連絡 06-2089803。

電子批：[tlhemail@gmail.com](mailto:tlhemail@gmail.com)，活動網站：<https://www.tlh.org.tw>